



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Et Docta Divi Alchimi Aviti Viennensis
Archiepiscopi, & Claudij Marij Victoris Oratoris
Massilie[n]sis, poëmata, aliaq[ue] non poenitenda**

**Avitus, Alcimus Ecdicius
Marius Victor, Claudius**

Lvgdvni, 1536

Liber Tertivs.

urn:nbn:de:hbz:466:1-12149

Quāvisum est ardere facit; flāmasq; sub ipsas
 Algere inuetos; & qui nunc tempore paruo
 Posse perire homines docuit mergentibus vndis
 Ostendet flammis atq; vndis posse renasci.

FINIS LIB. SECUNDI.

CLAVDII MARII VI,

ctoris Oratoris Massiliensis com
 mentariorum in Genesin

LIBER TERTIVS.

TAlia mente gerens venturaq; secula Gene.s.
 cernens
 Nō prius officij quidquā seruat⁹ inire
 Cōstituit; quām sacra Deo laudesq; re
 pendat,

Gratesq; euaso referat discrimine Noë.
 Mox niueo sacra exurgunt altaria saxo;
 Agnouitq; hæc prima recens altaria mundus;
 Antea totus enim conuexo tramite cœli
 Templū mūdus erat, tū dudū ad sacra paratis
 Affuit è gregibus septenis hostia præcepst:
 Seu volucrū ex specie, mollis quas sustinet aér;
 Siue ex ijs quæ terra parit; nā septima quæq;
 Aris sternuntur deuota animalia sacris,

Primū altare
 Deo sacrū.

p s Aethereo

Aethereo tūm mox ignis de missus olympos

Libat odoratos ad sacra altaria fœtus:

Ambrosiumq; Deo flagrant holocausta vapore,

Deo placent Et quanquam nostri nil muneris indiget ille
nosta mune Totius mundi dominusq; Deusq; suorum

ra. Attamen officijs venerari & munere gaudet:

Qui lymphis tandem sic Noe affatur ademptis:

Et si parua fuit tanto pro criminе pœnæ

Vltio, vindicibus pluuijs, cœloq; refuso

Tot scelerum damnasse reos, sedemq; nocentem

Terrarum mage diffuso purgasse profundo:

Non tamen offensi feriemus verbere tali

Vlterius mortale genus: quāuis ruituras

Per variū facinus, per criminā pristina rursum

Humanas mentes videam, gentesq; profanas:

Non tamen interea cessabit dextera vindicta

Supplicia iniustis que reddat, præmia iustis.

Vos igitur quos vita probat iustissima nobis:

Crescite & secuti, et fœcunda prole referte
 multiplicami Arua, nouosq; greges longis distendite terris:

ni & replete Seruabunt elementa vices, cunctisq; diebus
 terrā. Gen. 9.

Sparsis seminibus reddetur debita messis.

Curret opus mundi compar, discordibus horis:

Aestati

Aestati certabit hyems; ac tempora librans
Veris & autumni fugiens replicabitur annus.
Vosque (quibus regnum solidi permisimus orbis)
Tota tremet, metuetque ampli substantia mundi.
Imperiū ecce damus vobis res prorsus in omnes:
Totque inter species rerum quæ sponte mouentur
Carnea mēbra quidem vestros largimur in usus.
Quanquā interdictum vobis a sanguine viui
Esse volo; quē si quisquā ederit, haud secus acri
Illum iudicij plectet sententia; quām si
Hauserit humana fluidum de cæde cruentem
Quem repetā semper vindex, adeoque requiram,
Ut mihi non solus pendat rationis abundans
Supplicium, sed bruta etiā, crux omnibus æque
Sit facer humanus; verum ne postea quisquam
Diluuium metuat, tali sit fœdere tutus.
Quum leuis in nebulae pēdēs se verterit humor,
Et nigras cumularit aquas incōcaua nubes,
Effundam radios, & pulchrum circite summo
Arcum componet mihi solis imago recuruum:
Pingentem connexa poli, qui luce colores
Exhibeat varios, & in aera dissipet imbras.
Quod sibi venturi specimen præsumere signi
Posteritas

Posteritas secura potest; ut fœdere tali
 Post hæc diluuium credat non esse timendum.
 Talibus attenti imperijs cū cōiuge Noë
 Post habitas domino grates, laudesq; repensas,
 Certatim & limo dulciq; vligine lœta
 Arua pater natiq; simul, queis firmius æuum,
 Mox subigunt rastris, & semine rura maritant,
 Tum vere effusis latè densissima campis
 Herba virens, flauas quū durauisset aristas,
 Solis ob ardores in frugem lacte gelato
 Reddit multiplicem cumulato fœnore messem.
 Et noua prægrauido iam palmite vinea, diti
 Luxuriat fructu, tortacq; ex arbore nectar
 Parturit, & duro nascentia pocula ligno.

Noe inebriatar. Forte Deo Noë celebrabat lœtus honores
 Indulgens sacris epulis, vinūq; propinans
 Prima è vite nouū: quo demum largius hausto
 Hinc alto grauidus somno mēbrisq; solutis
 Non bene cōposita quūveste iaceret, humicq;
 Prostratus spectanda daret genitalia natis
Cham iniquatas. Mēbra suis; vni tibi Cham deterrime risum
 Mouit origo tui; nec iam peccasse sat vni
 Esse tibi credens, fratres aspergine culpæ
 Contendis

Contendis maculare tuæ; sententia multò
 Quos melior, meliorq; animus detecta parentis
 Obiecta docuit cœlare virilia palla:
 Nam patrium auersis manib; texere pudorem
 Sem simul atq; Iaphet, tali dignissima patre
 Pignora, quos ideo fratr; dedit esse minoris
 Iure pater dominos somno vinoq; solutus.

Qui mox natorum euigilans benefacta suorum
 Et Cham demeritum tali mercede rependit,

Cham tu inquit, maledictus eris, seruusq; tuorū
 Aeternum fies ventura in secula fratrum.
 Sem vero benedictus erit; fratremq; minorem
 Participem secum cōmuni sede bonorum
 Efficiet, quorum late possessio currat.

Hæc fatus senior quum iā decurreret annos
 Mille minus decies quinos; in pace quieuit.
 Interea domini dum sancta in lege vigeret
 Posteritas multis iamq; aucta nepotibus, & se
 Cœlorum ac terræ domino cōmitteret vni;
 Tunc sanctis hominum parebant omnia iussis:
 Terra grauis, liquidum pelagus, vegetabilis aér.
 Non opus arte illis, coelesti namq; magistro
 Omnia discebant; sed postquā in crimina mūdus

*Cham seruus
fratrum effi-
citur.*

*Mors et anni
Noe.*

Exiit

CL. MARII VICTORIS

Exiit & late vicijs sese abdidit imis,
Perdidit insigne hoc munus dānata propago:
Oblitamq; Dei plures effingere diuos
Non puduit: tanti est supremi obliuio patris.
Tum grauis inuentor lœti cessare capacem
Fraudis materiem non passus, cuncta maligno
Subdidit arbitrio, quo fatum induceret orbi,
Suaderetq; Deum vel iam non esse, vel ista
Inferiora huius cōtemnere munia mundi.
Ergo res hominū cunctas euentacq; rerum
Quæ domino fuerat par assignare supremo,
Assignare vagis persuasit subdolus astris:
Atq; auium spectare fibras, motusq; volantum,
Et studio ingenti magice scelus intulit artis.
Et plures ~~erare~~^{oran} Deos, idolaq; muta
Aut magis idolis latitantem semet in ipsis
Suasit adorari: multo mage dignus aduri.

Nemroth. Incq; nephanda prior descēdit crimina Nemroth
Impietatis apex, Cham seruo è semine natus,
Mole & mēte gigas, Babylonia regna gubernās
Persarum hic animos capiens venator iniquus,
A veris domini sacrī traduxit ad ignem.
Nec modo plus æquo cupidis hac arte sagaci

Ille

Ille caput scelerū, mundi infensim̄us hostis
 Illusit curis hominū, sed mentib⁹ ipsis
 Irruit: & sensus penitus descendit in omnes:
 Mox & in affectus: nā quū patris vnic⁹ proles
 Spem generis lœto secum traxisset acerbo
 Infoelix Nem roth lachrymas noctesq⁹ diesq⁹
 Continuans hebetiq⁹ trahens plangore querelas
 Dū furit, & raptum quærit per singula natum,
 Effecta mœstum solatur imagine luctum:
 Et pario effectā filij de marmore formam
 Credidit infelix inclusō viuere sensu:
 Et questus audire suos, mox inde dicatis
 Erectisq⁹ aris diuinis addit honor es:
 Inq⁹ loco iubet esse Dei, tum protinus omnes.
 Amplex⁹ gentes scelus hoc, crimenq⁹ sequutæ,
 Pro dñs queq⁹ suis charos habuere parentes.
 Post etiam simili reges in honore locarunt
 Dixeruntq⁹ Deos: quorū sub nomine mendax
 Græcia, dum veris falsa insinuare laborat:
 Addidit obscuras vanis rationib⁹ umbras,
 Excusans tumulos atq⁹ indita nomina bustis:
 Donec per species sese dementia cunctas
 Proderet, & minimis rebus mēbrisq⁹ pudendis
Nomen

Initiū Idolo-
latriæ.

Nomen inane Dei mundo ridente daretur:
 Talibus errorum salebris fomenta daturus
 Ambigua inuentor lœti responsa ciebat:
 Vsus ad insidias aut igni, aut fonte calenti,
 Aut terra ex antris ventos spirante loquaces:
 Et falsum vani sibi nomen Apollinis indens.
 Talibus à domino gentes trux ille remotas
 Captabat laqueis, quò ducens quumq; volebat:
 Tanti est à sancto domini discedere cultu.
 At vero egressi vnde sumus, redeamus ad illam
 Maiorum seriem: quæ paucos aucta per annos
 Vsque adeo excreuit, quod mox oriente relicto
 Inde nouas alio compulsi quærere sedes,
 In campum (Semnaar veteres dixere) patentem
 Perueniunt: quumq; his etiam discedere terris,
 Cogitur, in varias partes spargenda iuuentus:
 Cœpit in hæc mœstas trissima verba querelas.
 Heu quam non certusvitæ status ordine cœpto
 Fert homines: quāmq; ignaros vel pspera fallūt
 Per varios casus: quām voti summa petiti
 Tendit in aduersum: iam nos (sī dicere fas est)
 Quod sperata patrū precibus numerosa nepotū
 Creuit turba, piget; quod iam spargēda per orbē
 Exilio

Gene. II.

Exilio cumulata manus, perituraq; longe
 Finibus a patrijs; nos ergo siccine tandem
 Longa pauperie defecta, in honoraq; mēbra
 Ignotis dabimus passim tumulanda sepulchris;
 Nec saltem miserit tumulis claudemur autis;
 Nullaq; erit nostri post mortem fama superstes;
 Quare agite ò iuuenes dū vires turba ministrat
 Quæ vobis supereft, quæ finem nesciat ullum
 Egregiam æternis famā dimittite factis;
 Vrbem condamus, cuius sub mœnia turrem
 Vsc; attollamus, donec pingentia cœlum
 Sidera, & excelsi conuexa attingat olympi.
 Nescia posteritas vt nos hinc orbe relicto
 In cœlum migrasse putet; sic mota iuuentus
 Contemnunt cautes, & quidquid monte reciso
 Defluit; ac domitæ fictos de viscere terræ
 Constringunt igni lateres, operisq; futuri
 Materiam proprio malunt debere labori;
 Hanc interstratū sic necrit vtrinc; bitumen,
 Ut solidas simulent circundata mœnia cautes.
 Mox turris properata subit, mox vertice nubes
 Transilit, ac fruitur cœli propiore sereno.
 Tum pater omnipotens cœlesti voce senatum
 q Congregat

Molitio tur-
ris Babel.

Congregat angelicum; turbęq; insana superbę
Facta stupens, isthęc regni consortibus infit.

En terrena phalanx quo iam temeraria pergit
Cernitis, & quantos imprudens tendit in ausus.
Mortali quæ structa manu contigere celos
Credit posse polos, & ad æthera ducere nostrum.

Nemo ascen Quū nemo indutus terreno corpore cœlum,
dit in cœlū ni Ascendat, nisi qui cœlo descenderit alto.

si qui de cœ= Sed quia gens vna est, eadē quoq; forma loquēdi
lo descēdit fi lius hominis. In cōponenda persistent turre; nec ante

Ioan.3. Desistent quam mutua opus consensio cœptum
Finierit: tanta est humanæ insanía mentis.

Ergo agite, (vt vetitū norint qd posse negatū est)

Iam descēdamus, tumefactaç; corda superbo
Consensu varij turbemus vocibus oris:

Vt quod peccarunt concordis criminē mētis,
Confusæ damnet melior discordia linguæ.

Dixit, & intentos operi molemç; leuantes
Mentibus attonitis subiecta obliuio primum

Intrat, & ignotæ subijt perfectio linguæ.

Increpitant operis studio cessante magistri

Cunctantes socios, sed vocem nemo remittit

Non intellectis, quod si quis tentat, inane

Sibilat

Sibilat, aut rupti fremitu sermonis anhelat:
Sic vanum praua suscepturn mente laborem
Destituit frustrata manus: iam nemo propinquū
Nemo patrē sequitur: quēquisq; intelligit, addit
Adglomeratq; sibi, sociumq; adiungere curat.
Dumq; perit diuisa huius cognatio gentis,
Gentem lingua facit: sparguntur classibus æquis *Prima gētiū*
Deductasq; petunt vario sub sidere terras. *differsio.*
Haud aliter volucres campi per mollia plana
Quas gregibus mixtis errare & quærere victum
Persuasit secura dies, quum nocte propinqua
Frondea tecta petūt: exempto cum grege turba
Vulgus quæq; suum sequitur, rapidoq; volatu
Miscetur similis qua duxerit aut color, aut vox:
Sic tunc in partes populus se dissecat vnuſ:
Et species fit quæq; genus, longèq; remotis
Confidunt terris, atq; orbem gentibus implent
Nec tamen hoc sacri (quum sit sua pœna nocētū)
Muneris est vacuum: nam quamuis vltio iusta
Hæc fuerit, quos non tetigit reuerentia cœli
Quæ sedes propria est mundi rerumq; parenti;
Vt nec se agnoscant verba inconsueta loquētes:
Attamē id multū q; rapto hoc fœdere cautū est
q 2 Ne

Ne quam paucorū attulerat persuasio culpam,
Cunctorum assensu rursus contingere omnes;
Et faceret cōmune nefas: ne prælia dura
Et rabido populis mors arcessenda furore
Bellum illis ciuile foret; sic profuit illis
Inq̄ bonum versa est primæ diuīsio linguae.
Quāquā nec prorsum sublata Hebræa loquendi
Consuetudo fuit; quum tunc permanserit oris
Hebræi sonitus, sermoq̄ antiquus, in illis
Qui culpæ expertes pars non iniusta fuerunt
Natorū quos Sem genuit, custodia iusti
Quos tenuit; dominicq̄ etiā reuerentia summi.
Sed postquā toto dementia percita mundo
(Vt taceam magici scelus intolerabile monstri)
In truncos & saxa etiam duriq̄ metalli
Arte cauas species, & cassas luce figuras
Impegit mortale genus; mentesq̄ supernis
Intentas fregit; terræq̄ addixit inertis,
Conuoluitq̄ simul fœdæ contagio labis,
Non secus æthiopum feruentibus excita terris
Nubila, morborum corrupto tramite cœli
Dum currunt, quisquis percussum fulmine lœti
Ingemuit, simul ipse ruit, quicunq̄ cadentem
Conspexit,

Conspexit, cecidit congestaque funera pafsim
 Dira lues strauit, camposque reliquit inanes.
 Sic tunc præcipiti complexos mole furoris
 Ne nihil infectum toto dimitteret orbe
 Cōprendit repetens, quos iam dimiserat error.

Donec Chaldæi generis de semine Thare Gen. xi.

Vir iustus metuensque Dei cum stirpe suorum
 Vrbem aliam moresque nouos, sedemque requirens
 Mansit in Assyrijs demū nouus accola Carris.

Qui quadragenis lustris ubi vixit & uno
 Infaustam hanc vitam fœlici morte redemit.

Huic meritis patrē & sanctis virtutibus æquans,
 Aut longè superans, successit filius Abram. Abram.

Vir cœlo dignus, nam primo a lumine vitae
 Verum mente Deum venerans, gentilia sacra
 Auersatus erat, quē postquam morte parentis
 Iussa sequi iam posse Dei, sine fraude liquebat:
 His dominus famulū meritis dignatus adire est.

Quādoquidem toto te solum inuenimus orbe Gen. 12.
 Quem sincera fides iuuat, & reuerentia nostri:

Linque procul sedes patrias, terramque nocentem,
 Pollutamque domum: cognatio tota prophana est Egredere de
terra tua et cognatione
 Et fugienda tibi; terræ melioris in agros Meduce tua. Gen. 12.

q 3

Me duce peruenies:ne sis pars gentis iniquæ
 Qui sanctæ caput esse potes:tum sacra dícabo
 Quæ maneant benedicta tibi, nomenq; p omnes
 Magnificū reddā populos, bona cuncta repēdēs:
 Et benedictus erit tibi qui benedixerit: atqui
 Qui maledicta tibi conuiciaq; ingeret, ille
 Confestim maledictus erit, benedictio per te
 Spargetur tribubus cunctis, æuoq; futuro.
 Dixit, & imperijs mentē quæ pareat indit,
 Promissisq; pījs credat, mora nulla repente
 Dicto intercedit domini: sed protinus Abram
 Cū gregibus varij generis, famulisq; paternis,
 Coniuge cū fida, chari cum pignore fratrīs,
 Cui Loth nomen erat, digressus, limite recto
 Ignotum sibi carpit iter; mollissimā lētas
 Præbent arua vias, blandumq; fauētibus austris
 Arridens nullis turbatur motibus aēr:
 In Chanaam terras & regna vberima Sichem
 Donec perueniens, didicit sobolicq; sibiq;
 Isthæc in sortem imperij cessura futuri:
 Vnde Deo supplex deuotas extruit aras,
 Et veteres reuocās, cultor nouis auget honores.
 Inde petit Bethel sedes quæ lecta beati

Hospitijs

Hospitij sacrata Dei: cunctasq; superbis
 Excessit meritis terras, quandoq; secundo
 Post cœlū numeranda loco: nam sede superna
 Dignior ista Dei, quæ pignus lege salutis
 Emissum mundo tantum mirante paratum,
 Exciperet visa est, hominemq; remitteret astris.
 Hic quoq; solennes Abram pater extruit aruis.
 Et linquenda nouis habitacula ponit in ~~artis.~~ aras
 Namq; fame rursum sedem mutare coactus
 Castra mouet, totaq; domū, famulosq; gregesq; Abrāi Aegypti
 Secum agit, & rebus cōmercia iusta rependens ptū trāitus.
 Intrat in Aegyptum: & Sarai appellare sororem Gen.12.
 Mauult quām vxorē, ne barbara pectora sancti
 Hospitis, in cædem stimulet furiosa libido.
 Vnde & mox Pharaō radiantis imagine formæ
 Ictus inardescit, thalamosq; & fœdera certa
 Lege parat: longos isthæc connubia in annos
 Ducturus, ni longè aliter disposeret ille
 Autor coniugij: cui quū minus ista placerent
 Ecce pauor regi mersa formidine mixtus
 Ingruit, & subito quatit iproba corda tumultu:
 Exterretq; animos niger horror & implicat artus.
 Ut rex sacrilegæ gentis tam tristia vota

q 4 Sentiret

Sentiret daminasse Deum, qui tale profecto
 Consilii infudit famulis, ut barbarus hostis
 Esse virum Sarai securum agnosceret Abram,
 Quū foret expertus quā nō impune prophano
 Appeteret ferro, quām nec viduare liceret.
 Sponte igitur nulla violatam labe marito
 Reddit, & ingent i cumulatum fruge remittit
 In Sichem, Bethelemq; suā; quo deinde recepti
 Cum gregibusq; domoq; pater, cū cōiuge salua,
 Exercent campos, & pinguis pascua late

Gen. 13. Immixtis carpunt gregibus dum iuria crebra
 Inter pastores patruī nata atq; nepotis:
 Dum non sufficerent capiendis arua duorum
 Armentis angusta nimis; plenissimus ergo
 Abram iustitiæ atq; obseruantissimus æqui
 Quò dirimat lites, & iuria tollat auara,
 Ut natū maior, concessos diuidit agros:
 Iunior elegit quā dulcibus vndiq; fusis
 Rura maritat aquis, ripisq; umbrantibus inter
 Labitur, & teretes saltus Iordanis amoena.
 Ergo quò fugiat pastorum iuria ab Abram
 Declinās, iūctos Sodomæ Loth migrat in agros.
 Quū Deus hac Abrā mœsti spe pectora firmās,

Ne

Ne mouearis ait fratrīs quōd prole relicta
 Nunc solus videare tibi; innumerabile vulgus
 Tu mihi solus eris, populiq; idem autor amici
 Suspice quadrifidi partes intentus ad orbis;
 Inspice nunc austrum versus, septemq; triones,
 Quā sol exoritur, quā vespere concidit imo,
 Hæc tibimet, proliq; tuæ, populisq; tuorum,
 Concedam, æternos illis habitanda per annos.
 Queis tu etiam terris longè lateq; fruaris:
 Surge, & quid pateat gressu prius hospite lustra.
 Hæc ait. Ille libens paret sedemq; relinquens
 Emigrat, Chebronq; subit, subq; ilice nigra
 Ad Mamre querceta pater tentoria figit:
 Hic quoq; solennes domino struit & colit aras.
 Interea magno circum turbante tumultu
 Hostis adevit, audiens, varia quem dote referta
 Solicitat tellus, campis illisa resultat
 Vngula, & effusis errat populator habenis
 Aduersum Sodomę, pīguissima pascua gentis:
 Loth vero portis cum rege erumpit apertis,
 Et vicina manus regum socia arma ferentum,
 Secū equites peditesq; trahunt, distendit agmē
 Confligunt acies pariter, sternuntq; caduntq;:

*Chebron He
brei vulgo
Hebron.*

Gen. 14.

q s Sed

Sed turpis Sodomæ luxu emollita iuuentus
 Ut rursum exarsit repetitus clamor in iras,
 Vertunt terga metu; rapido pars moenia cursu,
 Pars montes, sylvasq; petunt, pars septa cateruis
 Porrigit ignauas ad tristia vincula palmas.
 Ut vero patruus captum Loth audijt Abram,
 Non fletu, quid enim fletus conferret inanis?
 Sed virtute parat fratri succurrere capto.
 Instructos igitur tercentum deligit omni
 De grege bisq; nouē famulos, quos aī praeūtes
 Insequitur sensim, quā lentum prodidit hostem
 Tendere præda grauis; quorum de nocte silenti
 Corpora (confluctu dum iam languentia duro
 Irrigat, & fessos dulcis sopor alligat artus)
 Aggreditur, nil venturum sibi tale putantum:
 Ut quium ieuni rabies vesana leonis
 In pecudum saltu penetrauit septa volucri,
 Et dente atq; pede exanimat, cupidamq; vorandi
 Ira famem superat, dum meta doloris acerbi
 Iamq; ouibus vacuas effecerit ultima caulas.
 Haud secus ille duces somno vinoq; sepultos
 Stertentesq; Abram populos, regesq; trucidat
 Sic tamen ut nullus confundat castra tumultus.

Nemo

Abram uicto
ria. Gen. 14.

Nemo gradū sentit, nisi quē mens deficit & vox.
 Nemo sonum cædis, nisi quē mors excitat audit.
 Sanguine cuncta madent: sicco resoluta sereno
 Tellus tabe coit, gressumq; morante cruento
 Lubrica stagnanti titubant vestigia campo.
 Nec tamē omne animās gladijs occūbit apertis,
 Seruantur prædæ: tanta est moderatio iusti
 Victoris: reliquos sparsit fuga turpis, & agros
 Vscq; Damascenos instans formido sequuta est.
 At victor tantū nil motus laude triumphi,
 Inter equos, pecudūq; greges, populūq; receptū,
 Aut captum, gazasq;, (auido quæ pōdere victos
 Victoresq; mouent) nil prorsus concupit horum
 Magnificus, sed enim tanta inter gaudia mitis
 Et varios hominum reputans sub pectore casus,
 Omnes omnino prædas, & præmia belli
 Direptis passim populis, regijs reseruat:
 Non sibi se pugnasse docens!, decimam tñ offert
 Hostibus excussæ que vera est hostia prædæ,
 Melcisedech, vinumq; & panē; ab cede reuerso.
 Melchisedech rex ile Salem, qui munere tali
 Mytica præmisit summi libamina Christi:
 Cuius de manibus sumens ecclesia corpus
 Viuificum

Melchise=
dech Christi
figura.

Viuificum panem, cœlesti pota cruore est,

At vero hostili redeuntem è funere lassum,

Omnipotens verbis solatur talibus Abram,

Ego protector Quandoquidē nullis cupidum te præda subegit

tuus sum & Illecebris, precium fidei, mercesque laborum

merces tua magna nimis Mecum plena tibi est: tecque & tua cuncta tuebor,

Gen.15. Hæredi seruanda tuo, quem germine sero

Progenitū, magè multo etiā pius autor amabis.

Nil est quod metuas hæres tuus ille Damascus

Vt fuat, ipse tuo cernes de semine natum;

Accendat cuius patrios infantia sensus:

Suspice conuexum quām denso lumine cœlum

Picta nocte mīcat: quantis congesta premantur

Sidera sideribus, numerū quæ obiecta recusent:

Seminis hoc exemplar habes, stírpisque futuræ

Credidit Multiplicis formam. Sic fatus finit; at ille

Abrāhā Deo Credidit, & nudæ fidei consensio sola

& reputationis est illi ad iustitiam Plenam ad iustitiæ & meriti reputata coronā est.

st̄. Gen.15. Atque adeò hīc Abrā tāta mercede docemur,

Quanti sit meriti diuino credere Verbo:

Demeriti contra quanti non credere: namque vt

Credidit hac rursum diuina voce meretur

Solari; omnipotens dum verbis incipit istis.

Ille

Ille ego sum Deus ac dominus, qui tecum tuosque
 Chaldæa de gente tuli, tandemque paternis
 Exceptum vicijs, terra meliore locauit:
 Ut de te genitus populus meus arua beata
 Incolat, & seriem longè lateque propaget,
 Gentibus expulsis, quas fœdo errore parentum
 Sacrilegas ritus olim fecere prophanit:
 Quod cunctabundus nimium quia credere differs,
 Trinam sume mihi trinam iam fronte iuuencam,
 Cum qua par annis blando grege lecta capella,
 Aequæuisque aries, nostro mactetur honori:
 Casta quoque humanæ turtur coniuncta colubus.
 At verò volucrum non sentiat hostia ferrum:
 Tantum intermedias pecudes discindere cura:
 Quas sic díductas mundis distinguito arenis,
 Ut membris coeant altrinsecus æmula membra.
 Dixit, at ille Dei monitus seruare libenter
 Assuetus, raptim properat mandata patrare:
 Sed quum dispositam quo iussa erat ordine, terre
 Strauissest seriem, subito manus ingruit atra
 Importunarum predam infectata volucrum:
 Que ne contactu violarent sacra prophano,
 Vndique sollicitus cauet, & circumspicit Abram.

Ego dominus
 qui te eduxi
 de Hur Chal
 dæorū. Ge. 15

Sed

Sed quū opere attonitum tanto, nec sole cadente
 Vinceret officij moles tam magna recepti:
 Ecce niger terror, tremor horridus, & sopor ītrat
 Nuncia iussa ferens, venturaq̄ secula formans.
 Credo, videbatur septum sibi cernere nilum
 Hebræę gentis populo, seroſq̄ nepotes
 Ingentemq̄ supra numerum cognoscere turbas:
 Inde truces motus, deductaque castra suorum,
 Transmissū pelagus, sed gurgite mersa p fundo
 Agmina naufragiū nulla cum classe sequutum:
 Ereptosq̄ mari Hebræos, dehinc tota beatæ
 Regna Palæstinæ populo patuisse reuerso.
 Talibus attonito visis non defuit almus
 Interpres, prænosce tuos, sobolemq̄ tuorum
 Inquit, in externis per secula quattuor agris
 Niliaci illius sensuram dīra tyranni
 Imperia: at quū tot peregrina expleuerit annos:
 Seruitio eripiam, gentemq̄ vlciscar iniquam.
 Et reddam terris blando quas gurgite cingunt
 Nilus & Euphrates: sed quū peccata nocentum
 Gentis Amorrhææ populiq̄ hæc regna tenentis
 Explerint summam scelerū: digniq̄ paternis
 Sedibus expelli fuerint: at tu tamen ante

Longæuo

Longeuo fœlix decedens limite vitæ
 Ploratus natis cum pace & munere nostro
 Ad sanctos migrabis auos; sic fatus, & alto
 Quū iam nox terris densas induceret umbras
 Signū ē monte dedit, confestim fumeus istic
 Apparet clibanus, lampasq; ignita videtur:
 Tum sacras epulas mediumq; inuecta paratum
 Præcipiti cursu delibans flamma vorauit.

Interea certus regni proliſq; futuræ

Gene. 16.

Munus adire patris cupit Abram; casta sed vxor

Abnuit officium, quod inanem effœta senectus

Iamq; vterum sibi fecisset; sed dulce mariti

Pignus spemq; nouā quacunq; ex pellice fusam

Esse suam credens, famulam (cui iunior ætas

Agar nomen erat, tellus Nilotica origo)

*Abrā Agar
cognoscit.*

Subrogat in thalamos, p̄cibusq; adgressa maritū,

Seruili femen concredere perpulit aluo.

Ast anima vt primum suscepta viuere sensit

Agar ventris onus, fastu tumefacta superbo

Despexit dominā; & dominā cui matris amorem

Agar insolē

Debebat, causamq; sui furiosa tumoris.

tia.

Recte igitur flagris hanc vir iustissimus Abram

Coniugis addixit; quorum magis acta pudore

In deserta

Agar fugit. In deserta procul secretaq; lustra ferarum

Abditur indignans, quā exul nec spernere cessat:
 Sed rursum obsequiō priuās quod debuit, illam
 Contemnit quo more potest, mauultq; pericla
 Desertæ perferre viæ; ni missus olymbo
 Angelus occurrat, famulamq; ad pristina rura
 Restituat miti dominæ, blandoq; refectam
 Hortatu, melius iubeat sperare reuersam.
 Et nomen natī doceat, moresq; manusq;,
 Innumerofq; greges tali de stirpe futuros:
 Quo maiore redit voto iam certa futuri:
 Et partu dominū fecit prior ipsa parentem.

Gene. 17. Quum iam decursi spacijs fœlicibus æui
 Supra octoginta quum sex excluderet annos,
 Ad quos bis senas quum iustus & insuper vnam
 Adderet estates; solito hunc rursum pater almus
 Alloquio dignatus adit: iussitq; senectam
 Ducere fœlicem; simul et promissa reuoluit,
 Et quā mercedem expectet: tum corpore prono
 Abram suppliciter dominū prostratus adorat.
 A quo mox audit firmata voce futurum
 Se patrem innumeræ gentis, lateq; parentis;
 Et cuius venient etiam de semine reges.

Hoc

Hoc tamen à reliquis iussus discernere signo
 Hebræam gentē populis, vt sponte resecta
 Carne superuacula se circuncidat, & omnem
 Masculei sexus præsentemq; atq; futuram
 Progeniem: iussus pueros à mātre recentes
 Atq; rudes vitæ dum mens ignara dolendi est,
 Præputio exutos, octaua luce sacrare.

*Circuncisio
mandata.
Gene. 17.*

Quod qui tam sanctum corrūpere testamentum
 Auderet, cessans legi inferuire rogatæ:
 Exhæres fieret regni, vitæq; futuræ.
 At simul vt vero sibi crederet argumento
 Venturas aliquādo suo de semine gentes.

Innumeræ, nomen dominus cōmutat vtricq;.
 Non Sarai tibi ait, sed Sarra vocabitur yxor,
 Et tu non Abram sed nomine clarior aucto.

*Abrā & Sa-
rai mutātur
nomina.*

Venturæ Abraham posthæc vocitabere genti.

Quod cōmune ideo tibimet cū cōiuge vera est
 Promissi quoniam (nihil est re certius ista)

*Abrāhæ ex
Sarra filius
promittitur.*

Mater erit generis, tecq; annum sole remenso
 Esse patrem faciet, quāuis ridenda putetis

Virtutis promissa meq; nec vestra senectus

Impediet, quin diuini sententia iuris

Aeternos semper maneat stabilita per annos.

r Sed

Sed tamen ignoscam dubijs, pueroc̄ futuro

Ishaach. Imponam nomen quod culpā hanc arguat Ishac:

Qui nostri indubie seruato fōdere pacti

Hæres certus erit, cuncta cum stirpe suorū.

Ismael. Nec tamen Ismael Agar de semine natus

Expers dotis erit; nostro nam munere fultus

Milia multa virūm de se ventura potentum,

Bissenis pariter ducibus regnanda creabit:

Dixit, at ille auidus pactū accelerare receptum

Iam centum pulsans annos, iam pubere nato.

Se primum, gnatūc̄ suū, cunctosc̄ clientes

Ac famulos oēs quo iussum est stigmate signat.

Et populū facit esse nouū, fontemc̄ piorum:

Vna eademc̄ via, tanta est deuotio, legem

Accipiens explensc̄ fidē: Quid nō meret ergo

Tam præsens veloxc̄ fides: nā non timor istud

Sed syncerus amor famuliç probatio iusti est.

Quodlibet imperium placida sic mente subire

Vnde Deum sibi promeruit: nempe antea tantū

Audiri solitus, meritum post tale ministri

Iam patitur cerni: quiumc̄ indignatio iusta

Vltorem stimul et, mortales non tamen ille

Respuit aspectus: nam quum damnare pararet

Crīmina

Crimina terrarum, flammisq; abolere nocentes,
 Aut verum aut qualem norat se posse videri
 Et nomine numerumq; Abraham prodidit ipsum.
 Illi nāq; domi Mamre in conualle sedenti
 Tres subito apparent at Augusta luce m̄icantes.
 Abraham tanti stimulatus imagine visus
 Procurrit dominumq; solo prostratus adorat;
 Tresq; etiam supplex forma veneratur in una,
 Quois ut mente pia liceat seruire, precatur:
 Et refici in medios æstus tendentibus horis
 Non deditur, famuli mensisq; cibisq;:
 Usquæ adeo visus inter sensusq; vigentes
 Errabat dubitans hominis substantia an esset,
 Quem norat mens esse Deum, tamē annuit ille,
 Officiumq; pīj non aspernatus alumni
 Oblatosq; cibos, mensasq; sacrauit amicas.
 Ut vero ablatis epulis mensisq; remotis
 Hospitibus visum est illinc discedere, tum mox
 Inde mouēs gressus, lateri comes hæret euntum
 Hospes ouans: tristisq; quatit cōcussa pauore
 Pectora, & attonitū venerabilis attrahit horror.
 Quippe videt vultus tacitos, visusq; seueros,
 In Sodomā dominū iuncta vibrasse Gomorrha,

Tres Abraham
uidet et unū
adorat. Ge. 18

r 2 Pacis

Pacis & emissos famulos, ireq; ministros:

Et quum cognosset tanta quid mole patraret

Archanim pandente Deo, caussamq; docente

Abrahā pro Vltro audet dominū scrutari an perderet urbem,

Sodomis pre catur. Errantis populi per crīmina cuncta nocentem,

Si quinquaginta morū probitate piorum

Spectatos aleret; quumq; ipsi diceret, illis

Si numerū talē inuenio mihi parcere certū est.

Quid si quinq; minus fuerint, tum subdidit? & qd

Si quadraginta soli; quid si minus illo

Forte decē numero? Quid si bis quinq; dabuntur

Innocui; non & tu vrbī Deus optime parces?

Quumq; etiā numero se velle ignoscere tali

Dixisset, famulum in medio sermone reliquit

Tendentē vlerius; secq; in sua regna recepit.

Dimissi interea ciues ē sede superna

Angelici in Sodomæ terras, Loth forte sedentē

Ante fores vrbis, iam terris sole propinquo

Inueniunt; qui quum miro splendore videret

Angelicos radiare viros. descendere summo

Loth angelos hostiis accipit. E cœlo ratus, in terram prostratus adorat.

Gen. 19. Inuitatq; domum, noctemq; auertere tecto

Euincit precibus simul & coniuere suadet.

Innocuosq;

Innocuosq; cibos,& pocula parca ministrat.
Dumq; epulis sumptis somno indulgere pararet:
Ecce sub occasum lucis,noctisq; recursum,
Foeda manus vulgi si fas dixisse,virilis
Prosilit,& iuuenum insanis pueriq; senesq;
Ignibus vruntur;Lothq; vt sibi tradat abuti
Hospitibus,cogunt:quid non vesana libido
Ausit:at ille volens populū mollire furem
Insani,natas quibus illibata manebat
Virginitas offert quoscunq; optarit in usus,
Ast effrena cohors in deteriora profundi
Lapsa mali,vicio sese immiscere minori
Vile putat,nisi se summis etiam implicet:ergo
Infandū vt patret facinus Loth opprimit:& iam
Vi maiore agitant quām quae virtute repellit
Humana valeat:quum protinus hospes vterq;
Angelicas nudant mentito corpore vires.
Et populi secum obcēcata mente furentis
Loth retrahunt:incip; ipsa domus secreta receptū
Perdenda hortantur confestim abscedere terra.
Qui sint,quid veniant,& quae præcepta ferentes
Mox explere velint,nil iam sermone patentī
Dissimulant:& ab hac se clade euadere saluum

r 3 Posse,

Posse, domumq; suā dicunt generosq; suoſq;
Colligere affines, & secum abducere mandant.

Ast illos simili cum vulgo crīmine tactos
Inuoluīt similis sententia fana monenti

Credere dū nolunt; quāquā quōd credere nolūt
Non est vt multū mirere, abscedere quū Loth
Id quoq; rīdiculum quod cōſuluere putaret.

Quē lentoſ, pigraſq; moras ſine fine trahentē,
Hospes vterq; videntis manib; cū cōiuge raptū.

Virgīnibusq; ſuis, procul extra mœnia ducit;
Et celerare iubet monteſq; euadere in altos,

Talī lege data, ne cōleſti igne flagrantes
Post ſe respiciat quisquā male cautus in vrbes.

Loth vero metuens montes ne tardius altos
Aggressum velox cōlī præuerteret ira.

Ore Segor lachrymīſq; petit ſecura recessus
Antra ſui: lachrymas autē nō ſenſit inanes,

Loth pro Se- Conceſſumq; ſibi donum ſpeciale ſalutis
gor impetrat Plurib; impartiit, meritumq; ē munere fecit.

Et iam non ſolitas raptim obducentia cōlum
A patriā virtute Deo miſcente, coacta

Nubila denſarāt nebulas; fed quas rotat Aethna
Quas vomit Inarime, atq; Apon² feruētib² vndis

Exaltat

Exaltat, quas vicino concussa Veseuo
Eruat tellus; Lycie quas seu Chymere
Ora sinu vasto trinæ fornacis anhelat,
Et quocunq; loco fallentia sulphura velox
Spiritus inflammās angusto tramite fusus
Effluit in lucem rupta tellure vaporans;
Nō quod nō possit pluuias quoq; vertere i ignes,
Totum de nihilo potuit qui condere mundum:
Sed maiore bonus iudex damnare paratu
Mauult, quos miserens vrbis morumq; ruinæ
Punit in exēplū; mox durum elementa minātur
Concurruntq; vndante globo; stipataq; flatu
Quęq; suo coēunt flamarū pabula in vnum
Corpus, & infandas terras vrbesq; nocentes
Sulphurei testudo tegit curuata metalli;
Quā citus & vires angusto tramite sumens
Spiritus incussam, tanto crepitare fragore
Compulit, & crebro tonitus agitāte corusco
Cōsternare animos, quotquot spectacula cernūt
Talia; qui netiā Loth heu, miserabilis vxor
Seu tanto stupefacta metu, seu stulta cupido
Illa fuit vetitum cōtra consurgere pactum
Fœmineis innata animis; quæ deniq; cumq;

r 4 Causa

Causa fuit, Sodomā inspectans se ponēruentē,
Confestim poenas violata lege subiuit,

Vxor Loth In statuā conuersa salis, spoliatac̄ luce
in statuā salis Sic animam infelix cū corpore perdidit omni:
uertitur.

Gen. 19. Ut nullum extaret forma remanente cadauer.
Ocior inde Segor luctū prohibente timore
Horrificoč̄ malo stupidus, mox ingredit̄ Loth.
Tum sol exoritur tōto feruentior igne,
Irato fulgore micans, radiosc̄̄ seueros

Sodome & Dirigit in Sodomā; qui postquā lumina flāmis
Gomorre in Inuoluere suis, resolutač̄ sulphura; nexos
cendia.

Gen. 19. Secum præcipitant ignes, siccōč̄ liquore
Dispensata suis stillant incendia thedis.
Fulmīneus denso præceps cadit aére nymbus
Inuoluit̄ vrbes, & totis sequit̄ in agris.
Admixto stridore tonat, vincit̄ querelas
Flammea tempestas; quæ postquā pabula terris
Repperit incensis, ipsiſc̄̄ insedit arenis,
Erigit immensam coniuncto fomite metam
Ignis, & à terris redeunt in sidera flammæ,
In cineres donec cautes tellusc̄̄ resultans
Transeat, ac penitus mersę soluantur arenæ.
Depressis̄ c̄auos consumpto cespīte campis

Pandunt

Pandunt arua sinus, venisqz effusus apertis
Confocians vires, qui terras strinxerat humor
Priuatū gignit pelagus; Quidna esse putemus
Quod raptim lacus est mira virtute refertus
Qui fuit ante rogus; sic omnipotētia summi
Iudicis in gelidas ignem conuertere lymphas,
Ac rursum lymphas ardente possit in ignem.
Nec tamen hic occulta vacat mysteria, na quod
Vnde hic sunt ubi flama fuit; quod flamea missis
Desuper extinxit lymphis; fortasse notabat
Luxuriæ calidos ignes, fomentaçz primi
Peccato contracta patris cœlestibus vndis
Extinctum quandoqz iri; proqz ignibus acris
Iustitiæ, quibus illa olim lex dura vigebat;
Saluificis purgatū iri & lustralibus vndis.

FINIS LIBRI TERTII.

r s